

# HO TSEBA MOLIMO: KAROLO II

## Lenane-thuto

Notes ☐

### THUTO EA #1:

- I. Selelekela.
- II. Ho etsisa Molimo.
- III. Likhato tse 'ne tsa mantlha tsa ho Tseba Molimo: Selelekela.

### THUTO EA #2:

- III. Likhato tse 'ne tsa mantlha tsa ho Tseba Molimo: Selelekela.(nts'etso-pele.)
- IV. Boikoetliso bakeng sa ho Tseba Molimo:
  - A. Ho tseba Molimo ho hloka Ts'oano.
  - B. Ho tseba Molimo ho hloka Boitolobetso.

### THUTO EA #3:

- IV. Boikoetliso bakeng sa ho Tseba Molimo:
  - C. Tholoana ea Ts'oano/ea ho se emise le Boitolobetso. Mohlala oa Histori.
- V. Crisis ea ho Its'etleha le ho Ts'epa Molimo ka botlalo:
  - A. Crisis ea ho Its'etleha le ho Ts'epa Molimo ka botlalo ke eng?
  - B. Ho se emise.

### THUTO EA #4:

- V. Crisis ea ho Its'etleha le ho Ts'epa Molimo ka botlalo:
  - C. Moputso.
  - D. Kenano.
  - E. Lekunutu.
  - F. Bohlokoa.

### THUTO EA #5:

- V. Crisis ea ho Its'etleha le ho Ts'epa Molimo ka botlalo:
  - F. Bohlokoa. (nts'etso-pele.)
  - G. Boikokobetso le boinehelo.
  - H. Qetello.
  - Tlhahlobo.

# HO TSEBA MOLIMO: KAROLO II

Notes ☐

## Tlhahlobo

### Lipotso tse ka lebelloang, Limaraka li 20

- 1) Sebelisa Mangolo a mararo ho hlalosa moelelo oa ho etsisa Molimo ka ho hlalosa tsela eo hoo ho hlalositsoeng ka oona (maq. 54, 55).
- 2) Sebelisa Jn 15:5 le Liprov 3:5, 6 ho hlalosa moelelo oa “Crisis ea ho its’etleha le ho ts’epa Molimo ka botlalo” (maq. 68-70).
- 3) Hlalosa kenano kamanong ea rona le Molimo (maq. 75-77).

### Lipotso tse ka lebelloang, Limaraka li 10

- 1) Ka polelo kapa tse peli, hlalosa mokhoa oa Bibe le oa ho etsisa Molimo (maq. 54, 55).
- 2) Bolela likhato tse ‘ne tsa mantlha tsa ho tseba Molimo, le Mangolo ao khato ka ngoe e thehiloeng teng (leq. 57).
- 3) Bolela Mangolo a mabeli a ts’ehetsang ts’oano le ho se khaotse thapelong (leq. 62).
- 4) Mopotso o moholo oa ho batla sefahleho sa Molimo ke o fe? Kenyeletsa Mangolo a Mabeli (maq. 73- 74).
- 5) Ka lipolelo tse peli kapa tse tharo, araba potso ena: hobaneng re hloka ho ba le sebopeho sa Maria haholoanyane, e be re ba le sa Maretha hanyane (leq. 79)?
- 6) Sebelisa Mar 3:14 ho bonts’a bohlokoa ba ho tseba Molimo (leq. 81).

# HO TSEBA MOLIMO: KAROLO II

## I. Selelekela.

Notes ☐

### A. Tabatabelo ea motho e mong le e mong.

1. Lefats'e la bohedene, le lula ka kutloisiso ea hore Molimo a ke ke a tsejoa. Motho a ka leka ho batlana le eena empa Molimo o tla lula e le sephiri.
  - a. Mantsoe a Plato a bonts'a pherekano ea motho: "Ho thata ho etsa liphuputso tsa ho fumana moetsi le mong'a lefats'e lohle. Empa haeba hona le motho ea mofumaneng, ho ka ba thata ho mohlalisa le ho mohlalosa ka mantsoe ao bohle ba ka moutloisisang."<sup>1</sup>
  - b. Aristotle o bua ka Molimo e le "Mohloli o moholo, oo batho ba o labalabelang, empa oo batho ba sa o tsebeng."<sup>2</sup>
2. Lefats'e la khale le ne le se na pelaelo ea hore Molimo kapa melimo ke ntho e teng. Leha ho le joalo, ho ne ho lumeloa hore le haeba melimo e e le teng, ha se ntho e ka tsejoang. Batho ba khale ba ne ba boetse ba lumela hore melimo e ne e se na thahasello e kaalo ho batho.
  - a. Lefats'eng leo Krete a leng sieo, Molimo ke sephiri.
  - b. Ke matla a labalabeloang ke bohle, empa ha a tsejoe.

#### **Ntlha ea Puisano**

Boitsebelong ba hau, na u kile oa bona batho ba nkang karolo litumelong tse ling le lithutong tsa borabohlale, ba lehang ho tseba Molimo, empa ba sitoa ho ba le kamano eo le Eena? Nakong e fetileng, na u no se e mong oa batho bao?

# HO TSEBA MOLIMO: KAROLO II

Notes ☐

## B. Lintlha-kholo tsa thuto ena.

1. Thuto ena e nts'etsa pele boithuto boo e leng tabatabelo ea batho bohle. Hoo ke, thahasello ea ho tseba Molimo. Na Molimo a ka tsejoa? Haeba ho joalo, a ka tsejoa joang?
  - a. Lipotso tsena li ile tsa arabeloa thutong ea “Ho tseba Molimo Karolo I”, li arabetsoe ka chalimo e sekametseng haholo thut-Molimong. Re ithutile thuto ea motheo ea ho tseba Molimo, hona ho ile ha etsa hore re hahe thuto-Molimo ea ho Tseba Molimo.
  - b. Thuto ena e fetela mohatong o mong oa ho tseba Molimo, e leng mokhahlelo/hloahloa ea ts'ebetso. Thuto ena e araba potso ena, “Re ka etsa joang ho tseba Molimo haholoanyane/betere?”
2. Ho araba potso ena, re tla ithuta ka lintlha tse latelang:
  - a. Ho etsisa Molimo.
  - b. Likhato tse 'ne tsa mantlha tsa ho tseba Molimo.
  - c. Boikoetliso bakeng sa ho tseba Molimo.
  - d. “Crisis tsa ho its'etleha le ho ts'epa Molimo ka botlalo.”

## II. Ho etsisa Molimo.

### A. Ho etsisa Molimo ke eng?

1. Ho tseba Molimo, ke ho ts'oana le Molimo. Kahoo, taba ea ho etsisa Molimo e bohlokoa haholo boithutong ba ho tseba Molimo.
2. Leha ho le joalo, re lokela ho fumana kutloisiso ea Bibe le ea ho etsisa.
  - a. Moapostola Paulosi o khothaletsa Bakreste ho etsisa Krete. Paulosi o boetse o khothaletsa Balumeli ho moetsisa le ho latela mohlala oa hae kaha a etsisa le ho latela Krete (bala I Bakr 4:16 le I Bakr 11:1).
  - b. Hangata Paulosi o ne a khothaletsa balumeli ho etsisa balumeli bao maphelo le tumelo ea bona li neng li ts'oana le tsa Morena (1 Bathes 1:6, 2:14; Bah 6:12, 13:7).

# HO TSEBA MOLIMO: KAROLO II

- c. leha ho le joalo, kutloisiso ea Paulosi ea ho etsisa mohlala ha e bolele hore hona le lethathamo la melao e lokelang ho tsejoa ka kelello kapa hona ho lateloa. Kannete, tsebo ea boits'oaro ba Bokreste ha e fumanoa ka tsela e joalo.
- d. Ho etsisa ke sephetho sa sebopeho se secha ho Molimo. E iponts'a ka boitlobetso **mofuteng oo oa bophelo ka botlalo**, e seng ho lateleng **molao**.
- e. Taba ea ho etsisa e tsepame ho Krete eo e leng eena ea fang molateli bokhoni ba ho Moetsisa. Motho ha se eena ea iphumelang boemo ba bophetheho ba ho etsisa sets'oano le Molimo (bala Bae 5:1).
- 1) Motho a ke a khona ho ts'oana le Molimo ka bokhoni, matla kapa mesebetsi ea hae.
    - 2) Ke ha motho a lumella Jesu ho sebetsa ka eena a ka khonang ho ba le monyetla oa ho etsisa mohlala oa hae.
      - a) Ha se “mosebetsi” kapa “matla a botho” a tla etsa hore motho a ts'oane le Krete.
      - b) Empa, ke ketsahalo ea ho etsoa hore re be sets'oanong le Eena, hoo ke eona ntho e re thusang ho ts'oana le Eena. Hona ho etsahala ka ho tsamaisana le eena re na le kamano le kutlo.
      - c) Ha se ka “matla” empa ke ka boinehelo re ka khonang ho etsisa Molimo.
      - d) Ho etsisa Molimo ho hlalisoa ke kamano le kutlo, ho ena le liketso tse itseng tse ka lebelloang ho hlalisa sets'oano.
    - 3) Ho etsisa Molimo ke ho inehela ho Eena, hobane tsela e ngoe feela ea ho etsisa Molimo, ke ho ba le Molimo ka ho uena. Bophelo ba hau, bo fetoha ketsiso ka hore bophelo ba hau ke nts'etso-pele ea bophelo ba Krete. Krete ea ka ho uena, ke eena feela eo e leng mokhoa oa ho etsisa Molimo.
    - 4) Kahoo, kamano le Jesu le kutlo ho Eena, ke lisupo tse peli tsa ho etsisa Molimo.

Notes ☐

# HO TSEBA MOLIMO: KAROLO II

Notes ☐

## Ntlha ea Puisano

Sebelisa lintlha tse fetileng ho bolela hore na ho bolelang ho ba moetsisi oa Molimo ka Krete.

### B. Mokhoa oo ho etsisa Molimo o hlalosoang ka oona ke o fe?

1. Mangolo a ts'ehetsang taba ea ho etsisa Molimo a sebelisitsoe ho bolela tse latelang.
  - a. Ho shoa bo-rona/ Mahloko/ ho behella litokelo tsa rona ka thoko.
    - 1) Hona ho etsa kelello haeba re hopola hore, e le hore re tle re itsise Molimo, re lokela ho lumella Molimo ho tsamaisa maphelo a rona.
    - 2) Kahoo, re lokela ho shoa Bo-rona, re ikemisetse ho hlorisetsoa evangeli, le ho behella litokelo tsa rona kathoko bakeng sa ho hapa ba lahlehileng.
  - b. Ho nahanela “ba bang.”
    - 1) Hona ho etsa kelello hobane ho etsisa Molimo ke nts'etso-pele ea bophelo ba Krete ka ho 'na (Bag 2:20), 'me bophelo ba Krete, e ne e le bophelo bo pheleloang ba bang (Mar 10:45).
    - 2) Kahoo, re lokela ho nahanela ba bang, kapa re phele bophelo ba bosebeletsi bakeng sa ba bang.

## Ntlha ea Puisano

Bala litemana tsena le mokhoa oo li sebelisitsoeng ka oona (temana ka ngoe):  
1 Bakr 4:16; 1 Bakr 11:1; Bae 5:1; 1 Bathes 1:6; 1 Bathes 2:14; le 2 Bathes 3:9.

Litemana tsee li supa hore re lokela ho utloisisa taba ea ho etsisa ka tsela e fe?

# HO TSEBA MOLIMO: KAROLO II

## III. Likhato tse 'Ne tsa Mantlha bakeng sa ho Tseba Molimo.

Notes ☐

### A. Selelekela.

1. Mohlomong Lengolo le hantle le ka sebelisoang bakeng sa ho ithuta ho Tseba Molimo e ka ba Liketso 2:42. Ho Liketso 2:42, re na le lethathamo la likhato tse 'ne tse ileng tsa sebelisoa ke litho tsa kereke ha ba ntse ba batla Molimo.
  - a. Thuto (hona re ka ho bitsa “Boithuto ba Bibe”).
  - b. Pokano/Kopano/phutheho.
  - c. Ho ngoathoa ha bohobe (kapa “thoriso le khumamelo” kaha lentsoe la Segerike mona ke “Eucharist” e leng hore “ho fana ka teboho”).
  - d. Thapelo.
2. Re tla ithuta ka likhato tsena tsa ho tseba Molimo ka bongoe, ka bokhuts'onyane. Boithuto bo pharaletseng ka lintlha tsena ka bongoe, bo fanoa lithutong tse ling.

### B. Boithuto ba Bibe.

1. Lerato la Bibe.
  - a. Bibe e fetoletsoe lipuong tse ka bang 1200. Selemo ka seng, ke buka e rekoang ho feta tse ling tsohle. Batho ba ratang Molimo, ba tla rata le Lentsoe la Hae.
    - 1) Sepheo sa Lentsoe le Ngotsoeng la Molimo, Bibe, ke ho fana ka ts'enolo ea Lentsoe le Phelang la Molimo, Morena Jesu Krete.
    - 2) Ho rata Bibe ke ho rata Krete. Ho rata Krete ke ho rata Bibe.

# HO TSEBA MOLIMO: KAROLO II

Notes ☐

b. Bibe le ha e ts'oane le libuka tse ling feela. ke Lentsoe la Molimo. Le ea phela (Bah 4:12).

1) Sepheo sa Molimo ke ho re fetolela sets'oanong le Jesu Krete, eo e leng Lentsoe (Bar 8:28, 29; Jn 1:1).

2) E ngoe ea litsela tse ntle tsa ho etsa sena ke ho bala le ho ithuta Lentsoe la Molimo. Hona le matla Lentsoeng la Molimo. Le ka re fetola. Le ka re thusa ho tseba Molimo.

3) Haeba o lumela sena, ebile thahasello ea hau e kholo e le ho tseba Molimo, le ho fetoleloa sets'oanong le eena, u tla ba le ho khothalla ho bala le ho ithuta Lentsoe la Molimo.

2. Boithuto ba Bibe le ho tseba Molimo.

a. Ha re beha Lentsoe la Molimo ka ho rona, re ke ke ra siteloa Molimo (bala Pes 119:11).

1) Ke sebe sa rona se re arohanyang le Molimo.

2) Bibe le e ka re thusa ho se etse sebe, kahoo, re ke ke ra arohana le Molimo. Hoo ke hore Bibe le e ka re thusa ho tseba Molimo. (bala Bar 6:23 le Esa 59:2).

b. Bibe le e ea re hlatsoa. Hoo ke hore, e ea re hloekisa, ea re lokafatsa, ebile e ea re halalelatsa (bala Bae 5:26).

1) Ke bahloekileng ba bonang Molimo.

2) Bibe le e ka re etsa hore re hloeke. Hoo ke hore, Bibe le e ka re thusa ho bona le ho tseba Molimo (bala Math 5:8).

c. Bibe le e ka re thusa ho tseba Molimo hantle. (bala 1 Petr 1:23 le Bar 1:16).

d. Bibe le e re thusa ho hola tsebong ea rona ea Molimo (bala 1 Petr 2:2).



# HO TSEBA MOLIMO: KAROLO II

**Beha Mohlala oa hau**

Notes ☐

**Ntlha ea Puisano**

Ke ka litsela li fe boithuto ba Bibe le bo ileng ba u thusa ho tseba Molimo betere, le ho hola ka botebo kamanong ea lerato le Eena?  
*Tlhokomeliso:* bakeng sa ho ithuta mekhoa ea boithuto ba Bibe le, sheba lithuto tsa Boithuto ba Bibe le pokellong ea sehlopha sa Boraro sa lithuto.

## C. Phutheho/Pokano.

1. Nka tseba Molimo betere ka ho tseba bana ba hae betere.
2. Hona ke 'nete hobane Molimo o phela kahar'a bana ba hae. kahoo, kopano le bana ba Molimo, ke kopano le Molimo, hobane Krete o phela ka ho bona (Bag 2:20).
3. Ho ba le kopano le baena, kapa bana ba Molimo, Bakrete, le kopano le Molimo, ke lintho tse peli tse hokahanyoang haholo Bibe le(bala 1 Jn 1:3).

**Beha Mohlala oa hau**

# HO TSEBA MOLIMO: KAROLO II

Notes ☐

## Ntlha ea Puisano

Ke ka tsela li fe kopano le baena ba bang e ileng ea ntlafatsa kholo bophelong ba hau ba Bokreste, ea ba ea u etsa hore o hole tsebong ea Molimo? Tlhokomeliso: bakeng sa ho ithuta haholoanyane ka kopano, sheba lithuto tsa Kopano ea Kereke, e fumanoang Likamanong, Pokellong ea sehlopa sa bobeli.

### D. Thoriso le Khumamelo.

1. Ho “ngoathoa ha Bohobe” ho Liketso 2:42, ho supa ho jeoa ha selallo sa Morena. Moelelo oa Selallo sa Morena ke hore, ke Sakramente ea teboho, kapa ea thoriso le khumamelo. Lentsoe la Segerike le sebelisoang ho bolela hona ke Eucharist, ho bolela “ho fana ka teboho.” Ka thoriso le khumamelo re ka atamela le ho tseba Molimo betere (bala Pes 95:2-6 le Pes 22:3).
2. Thoriso ke karabelo ea boholo ba Molimo. Ke sesupo sa teboho. (Pes 63:3). Thoriso ke ho ithorisetsa ho Molimo (Pes 106:47).
3. Bophelo ba thoriso bo hahoa ka likarolo tse ‘ne.
  - a. Re haha bophelo ba thoriso ka ho leboha kapa ho fetisa teboho ka mantsoe (bala Baf 4:6; 1 Bathes 5:18; le Pes 50:14, 23).
  - b. Re ntlafatsa bophelo ba khumamelo ka ho bolela tlhompheho ea Molimo le ho ela boholo ba hae hloko. (bala Pes 63:3; 1 Bathes 5:16; le Pes 145:1, 2).
  - c. Re holisa bophelo ba thoriso ka ho binela Molimo (bala Pes 105:2; Pes 100:2; le Bae 5:19).
  - d. Re haha bophelo ba thoriso ka ho ithuta le ho ela boteng ba Molimo hloko (bala Baf 3:10; le Pes 27:4).

**Beha Mohlala oa hau**

# HO TSEBA MOLIMO: KAROLO II

## Ntlha ea Puisano

Notes ☐

Bophelo ba thoriso le khumamelo bo u thusitse ho atamela le ho hola joang kamanong ea hau le Molimo? Tlhokomeliso: bakeng sa boithuto bo pharaletseng ba thoriso le khumamelo, sheba thuto ea Thoriso le Khumamelo e fumanoang Likamanong, Pokellong ea bobeli.

### E. Thapelo.

1. Thapelo e hlaloso ka bophara e le ho bua le ho mamela Molimo. Ka thapelo re ka ba puisanong e otlohileng le Molimo neng le neng.
2. Likarolo tsa thapelo (bala Bae 6:18).
  - a. Re lokela ho rapela hangata (Bar 12:12).
  - b. Re lokela ho rapela ka litsela tse fapaneng (Math 6:9-13).
  - c. Re lokela ho rapela ka matla (Jak 5:16).
  - d. Re lokela ho rapela ka hloko (Math 26:41; Bak 4:2).
  - e. Re lokela ho rapela ka tiisetso (Pes 57:7; Luk 11:8, 9; Luk 18:1-8).

### Beha Mohlala oa hau

## Ntlha ea Puisano

Hlalosa hore na keketso kapa phokotseho ea borapeli bophelong ba hau e amme kamano ea hau le Molimo joang.

*Tlhokomeliso:* bakeng sa boithuto bo pharaletseng ba thapelo, sheba thuto ea Thapelo le Ho itima lijo, e fumanoang Likamanong, Pokellong ea bobeli.

# HO TSEBA MOLIMO: KAROLO II

Notes ☐

## IV. Boikoetliso bakeng sa ho Tseba Molimo.

### A. Ho tseba Molimo ho batla ho se fetohe.

1. Khato ka ngoe ea mantlha ea ho tseba Molimo, litaeong tsa eona, e kenyeletsa maikutlo a ho se fetohe le ho etsoa ha ntho ka pheta-pheto. Boemong ka bong, Bible e sebelisa lipolelo tse kang “kamehla”, “bosiu le mots’eare.” le “letsatsi le letsatsi.”
  - a. Boithuto ba Bible (bala 2 Tim 2:15 le Pes 1:2).
  - b. Kopano/Phutheho (bala Lik 2:46 le 1 Jn 1:7).
  - c. Thoriso le Khumamelo (bala Pes 63:5, 6; Pes 35:28; 71:6; 72:15; 119:62, 164; 146:2; le Lik 16:25).
  - d. Thapelo (Bala 1 Bathes 5:17; le Bae 6:18; le mohlala oa Daniele ho Dan 6:10).
2. Ketsahalo ea ho tseba Molimo e lokela e be ntho e tsoellang-pele. Re lokela ho batla Molimo re sa khaotse (Lipro 8:17).
  - a. Re lokela ho se phetse ka kakaretso. Hona ho bolela hore, re lokela ho se phetse ho beha likelello tsa rona lintho tsa Molimo letsatsi lohle (Bak 3:1,2).
  - b. Re lokela ho se phetse ka mokhoa o khethehileng. Hona ke hore, re lokela ho se phetse ho ba le linako tsa boikhutso le Molimo. Re haha le ho ntlafatsa mekhoe e metle ea ho batla Molimo ka linako tse hlophisitsoeng tsa letsatsi.

**Beha Mohlala oa hau**

# HO TSEBA MOLIMO: KAROLO II

## Ntlha ea Puisano

Notes ☐

Ke ka litsela li fe o ka etsang keketseho le kholo ea kamano ea hau le Molimo? Ke lintho li fe tse u sitisang? Ke lintho li fe tse ileng tsa u thusa ho se phetse nakong e fetileng?

### B. Ho Tseba Molimo ho hloka Boitlobetso.

1. Ha re bua ka ho se emise/ho se khaotse/ho se phetse, re lokela hape ho bua ka boitlobetso. Ho se phetse ha ho khonehe ntle le boitlobetso. Ho se khaotse ke ponts'o ea boikoetliso. Empa boitlobetso ke motheo le ts'usumetso ea boikoetliso.
2. Re ka khetha ho itolobetsa likhatong tsa ho batla Molimo. Empa re ke ke ra "khetha" ho tseba Molimo. Molimo ke eena ea its'enolang ho rona.
  - a. Leha cheseho e le matla ka ho rona ea ho tseba Molimo, re ke ke ra motseba ka mesebetsi ea rona kapa ka thato ea rona. Molimo ke eena mohloli. Boikhethelo ba rona ha se mohloli.
  - b. Leha ho le joalo, re ka sebetsa ka tumellano, e le ho etsa hore re khone ho amohela ts'enolo ea Molimo ka Eena. Re lokela ho etsa geto ea ho batla Molimo ka boitlobetso le ka matla.
    - 1) Ts'usumetso ea rona e tlameha ho ba lerato le lenyora la rona la ho batla Molimo.
    - 2) Ka tumelo, re tlameha ho nka khato.
      - a) Ha re hloke ho utloisisa tsela eo re fetoleloang sets'oanong le Jesu ka eona, kapa tsela eo re holang ka eona tsebong ea rona ea Molimo. Re lokela ho ba le tumelo hore Molimo oa re fetola le hore re ntse re hola kamanong ea rona le Jesu.
      - b) Ke Molimo a etsang sena. Ha re na bokhoni ba ho e etsa ka bo-rona.

# HO TSEBA MOLIMO: KAROLO II

Notes ☐

3. Re ka ikhethela ho etsa lenaneo la ho bala Bibelet. Re ka etsa khetho ea ho rorisa le ho khumamela Morena. Re ka etsa qeto ea ho ba le nako le Bakreste ba bang. Re ka etsa qeto ea ho rapela. Leka ho rala lenaneo la letsatsi ka leng.
  - a. Hoseng o ka nka nako ea hora le Molimo.
    - 1) U ka rapela metsotso e 30.
    - 2) U ka rorisa le ho khumamela bakeng sa metsotso e 15.
      - a) Binela Morena. Sebelisa seletsa haeba u na le bokhoni.
      - b) Mamela le ho bina le theipi.
      - c) Binela Morena pina e ncha e tlang pelong ea hau (Bae 5:19).
    - 3) U ka bala Bibelet ea hau metsotso e 15.
      - a) Bala likhaolo tse peli ho tsoa Testamenteng ea Khale.
      - b) Bala khaolo e le ngoe Testamenteng e Ncha.
  - b. Lihoreng tsa Mats'eare, u ka hlophisa ho ba le tinare le Mokreste e mong. Le ka ithabela kopanong ea lijo 'moho.
  - c. Phirimaneng u ka ba le nako ea metsotso e 30 le Molimo pele o robala. Mohlomong u ka rapela, u ka bala Bibelet, oa ba oa rorisa Molimo bakeng sa letsatsi leo.
4. Taba-kholo ke ho itolobeletsa le ho ts'epahalla lenaneo leo o le ralileng. Haeba o rerile ho qeta lihora tse tharo kapa metsotso e 10 le Morena letsatsi ka leng, ntho ea bohlokoa haholo ke ho ts'epahalla seo. Ha Molimo a bona boitolobetso ba hau nakong eo e fokolang, o tla u matlafaletsa ho qeta nako e ngata le eena (Luk 16:10).

## Ntlha ea Puisano

Na u itolobeletsa moralong oa ho qeta nako le ho sebelisa likhato tsa ho tseba Molimo? Ke lintho li fe tse tla u thusa ho hlola ts'etiso ea boitolobetso?

# HO TSEBA MOLIMO: KAROLO II

Beha Mohlala oa hau

Notes ☐

**C. Tholoana ea ho se tele/ho se emise le boitolobetso.**

1. Batho ba bang ba leka ho qeta ho bala Biblele eohle ka libeke tse peli. Hangata, ba a qala empa ha ba qete. Batho ba bang ba ikoetlisa. Ha ba emise ntho eo ba e etsang, ebile ba itolobetsa. Ba bala likhaolo tse tharo ka letsatsi, ‘me ba qeta Biblele eohle ka selemo.
2. Ho a hlolla ho bona tholoana ea boitolobetso le ho se phetse ho etsa seo o se ralileng.

**Ntlha ea Puisano**

Sheba sets’oants’o se latelang, se ts’ehetsang ntlha ena malebana le Boithuto ba Biblele.

<div><input type="checkbox"/></div>	R	#			D
<div><input type="checkbox"/></div>	R	@D R	<div><input type="checkbox"/>#D @D n @</div>	<div><input type="checkbox"/>#D @D n @D</div>	
<div><input type="checkbox"/></div>	DD +	D	D DD +	0 DD +	
<div><input checked="" type="checkbox"/></div>	DD +		DD +	to0 DD +	
<div><input checked="" type="checkbox"/></div>	DD +		0 DD +	DD0 D +	
<div><input checked="" type="checkbox"/></div>	DD +		D DD +	D 0 DD +	
<div><input checked="" type="checkbox"/></div>	DD +		00 DD +	DD0 DD +	

# HO TSEBA MOLIMO: KAROLO II

Notes ☐

## **Maikutlo a Sengoli:**

Haeba o ka itloaetsa ho bala Biblele hora e le ngoe letsatsi ka leng, u ka khona ho e bala ha raro selemo le selemo (eba u e bala kaofela). Hoo ke hore, u ka khona ho bala Biblele eohle makhetlo a 30 ka lilemo tse leshome. Haeba o etsa hona, kannete-nete u tla ba le lentsoe la Molimo ka ho uena. U ka tseba Molimo hantle, eaba u fetoleloa sets'oanong le eena kamehla.

Ha se ntho e sa khoneheng ho ikemisetsa ho bala Biblele hora ka letsatsi ka leng. Bakeng sa batho ba bang, hona ho bolela ho tela lintho tse itseng, joaloka ho khaola nako ea bona ea ho shebella telefishini.

Haeba u ka itloaetsa ho bala Testamente e Ncha hora letsatsi ka leng, u ka khona ho bala Testamente e Ncha makhetlo a 14 ka selemo. Hona ho bolela hore u ka khona ho bala Testamente e Ncha makhetlo a 140 nakong ea lilemo tse leshome. U ka ba setsebbi se seholo sa Testamente e Ncha. Hape, tholoana ea boitloaetso boo, ha e na khona ho lekangoa, u tla tseba Molimo

## **Beha Maikutlo a hau**



# HO TSEBA MOLIMO: KAROLO II

## D. Lithuto tsa Boikoetliso.

Notes ☐

### Mohlala oa Histori:

John Wesley, mothehi oa lekhotla la Methodist, o ile a phela bophelo bo nang le boitlolobetso bo matla malebana le ho tseba Molimo. (mehlala e mengata e ka be e khethiloe, empa Wesley o hlaha e le mohlala o motle boemong bona).

Pele litsoseletso tsa Methodist li qala, Wesley o ne a thehile sehlopha se bitsoang Seboka se Halalelang. Seboka sena se ile sa hlophisoa ka baka la cheseho ea ho phela bophelo bo botle, bo nang le boits'oaro malebana le ho batla Molimo.

Lintlha tse latelang li bonts'a ho aroloa ha letsatsi bophelong ba setho sa Seboka sena:

- 1) Tsoha ka 5:00 a.m.(hoseng)  
O bine Lipesalema, o bale le Mangolo ho fihlela ka 8:00 a.m. o rapele ho tloha ka 8:00 a.m. ho isa ho 9:00 a.m.
- 2) Masiu a mahlano beke le beke, ba phutheha hammoho. Ba khothatsana, ba bala libuka tsa Bokreste.
- 3) Bosiu ka bong, ho tloha ka 6:00 ho isa ho 7:00 p.m. ba ne ba rapella litlhoko tsa bafumanehi. Nakong eona eo, ba etsa meralo ea bosebeletsi bakeng sa letsatsi le latelang.

1. Boits'oaro le boikoetliso ke mokhoa ha se sepheo.
  - a. Litho tsa Seboka se Halalelang li ne li na le boikitlaetso, empa hoo e ne e se sona sepheo-kholo. Ho ne ho sa etsoe tsena molemong oa boikitlaetso.
  - b. Ho ba le boikitlaetso ha se hona ho re susumetsang. Ts'usumetso ea rona ke lerato la Molimo le cheseho ea ho Motseba.
2. Ho phela bophelo ba boikitlaetso, re tlameha ho fetoha ka nchafalo ea kelello.
  - a. Ho lokela ho be le neheletsano e ntle ho tloha ho batleng Molimo ka tsela e tla khohlela kahar'a ts'ebetso ea rona le litloaelo tsa rona tsa letsatsi ka leng.
  - b. Lintho tseo re li etsang letsatsi ka leng, li lokela ho khohlela kahar'a bophelo ba rona ba ho batla Molimo.

# HO TSEBA MOLIMO: KAROLO II

Notes ☐

3. bonnete ba ho phela bophelo ba boikitlaetso, bakeng sa ho batla Molimo, bo tla re thusa ho phela re sebeletsa le ho rata ba bang.
  - a. Hona ho lumellana le phethahatso ea litaelo tse peli tse kholo (bala Mar 12:30, 31).
  - b. Hona ho ts'oana le se etsahetseng Sebokeng se Halalelang. Ba ile ba qetella ba thehile lenaneo la bosebeletsi ho fihlella batho ba lipetlele le ho etela ba lichankaneng.

## V. Crisis ea ho its'etleha le ho ts'epa Molimo.

### A. Hoo ke eng?

1. Ho Jn 15:5, Jesu o re... “ke ‘Na sefate sa morara, lona le makala. Ea lulang ka ho ‘na, le ‘na ka ho eena, o beha litholoana tse ngata hobane kante ho ‘na le ke ke la etsa letho.”
  - a. Haeba polelo ena ke ‘nete, hona ho bolela hore motsotso o mong le o mong oa bophelo ba hau, ke Crisis ea ho its'etleha le ho beha ts'epo ho Krete.
    - 1) Leha ho le joalo, batho ba bangata ba tla ho Molimo ka nako ea tlhoko (haeba hona le bothata bo bonahalang) hobane nakong eo ba utloa boima ba ho hloka thuso ha bona.
    - 2) Bonnete ba bophelo ke hore, motsotso o mong le o mong o re siea le boits'etleho ho Molimo, ‘me kamehla re bona ho fokola ha rona ha a le sieo.
      - a) Ka tsela ena, motsotso ka mong o re tlama ho its'etleha ho Molimo ka botlalo.
      - b) Motsotso ka mong, re lokela ho tla ho Molimo.
      - c) Ha re ka bona motsotso ka mong oa bophelo ba rona e le tsietsi, re tla qala ho bona bonnete ba hore re hloka ho ts'epa le ho its'etleha ka Molimo ka botlalo.

# HO TSEBA MOLIMO: KAROLO II

- b. Halelele ha o hlokomela hore ha o na thuso kantle ho Molimo, ke halelele o tla batla Molimo.
- c. Ho re “Molimo eketsa kamano ea ka le uena,” ke ho re “Molimo eketsa temoho ea ka ho elelloa ho fokola ha ka ha o le sieo. Holisa temoho ea ka ho u hloka!”

Notes ☐

## **Mohlala oa Sengoli:**

Ho kile ha ba le Morena ea neng a na le Mora, ea neng a mofa karoloana e itseng ea chelete selemo ka seng. O ne a molefa chelete ea selemo sohle letsatsing le qalang selemo. Ha nako e ntse e tsamaea, Morena enoa a elelloa hore, ke letsatsi le qalang selemo feela a khonang ho bona mora hae. joale Morena a fetola letsatsi la tefo. A qala ho lefa mora letsatsi ka leng. O ne a molefa se lekaneng letsatsi ka leng. Morena a qala ho bona mora letsatsi le leng le le leng!

## **Beha mohlala oa hau**

- 2. Ka bomalimabe, Bakreste ba bang ba na le maikutlo a hore Molimo o hole. Ba etsa lintho joalokaha e ka Molimo o hole ebile ha a tsotelle maphelo a rona a letsatsi ka leng. Ha ba rate ho ts’oenya Molimo ha ngata. Leha ho le joalo, Molimo o ts’oana le Morena ea paleng eo re e fetileng. O rata re lule re na le kopano le eena hangata-ngata, re sa phetse.

# HO TSEBA MOLIMO: KAROLO II

Notes ☐

## Mosebetsi oa Sehlopha:

Bala Jn 15:5 hape, o boele o hlahlabe Liprov 3:5, 6 (tsepamisa mahlo ho lentsoe **eohe**). “O ts’epa Jehova ka pelo ea hau **eohe** o se ke oa its’epa hlalefo ea hau. O mokenye mererong ea hau **eohe**, ‘me o tla u tsamaisa litseleng **tsohe** tsa hau.”

Ntlha ea Jn 15:5, e lupa ea Liprov 3:6 joang? (thuisa palela ea Morena, o be o bolele kamoo se amanang le sena ka teng).

Motsotso o mong le o mong, re ba le boitsebelo ba tlhoko ea ho ts’epa Molimo ka botlalo, kaha kamehla re na le tlhoko ea Molimo.

Joale, akaretsa Jn 15:5 le Liprov 3:5, 6. Araba potso e fetileng o ipapisa le kamano ea mantsoe **ha ho letho** (Jn 15:5) le **eohe** (Lipro 3:5, 6).

## Maikutlo a Sengoli:

Hona le likarolo tse ts’eleletseng tsa **crisis** ea ho its’etleha le ho ts’epa Molimo.

Puong ea Senyesemane, re ka sebelisa litlhaku tseo tsa lentsoe **crisis** ho haha lintlha tsena tse ts’eleletseng:

<b>C</b>	onsistency. (ho se phetse)
<b>R</b>	eward. (Moputso)
<b>I</b>	ntimacy. (kenano)
<b>S</b>	ecrecy. (lekunutu)
<b>I</b>	mportance. (bohlokoa)
<b>S</b>	ubmission. (boinehelo)

mokhoa oona oa ho ruta, o sebelisa tlhaku ea pele ho ruta ka karolo e fapaneng. Re elelloa hore hona ho a sebetsa lipuong tse ngata.

# HO TSEBA MOLIMO: KAROLO II

## B. Ho se phetse/ho se emise.

Notes ☐

### 1. Hape, bala Lipro 3:5,6. Thuisa botebo ba lentsoe **eohe**.

- a. **eohe** e bolela eohe! Kamano ea rona le Molimo e lokela ho se emise ka tsela e fe kapa e fe, 'me e lokela ho akaretsa likarolo tsohle tsa bophelo ba rona.
- b. Batho ba bang ba nahana hore mokhoa oona oa ho nahana, ha o etse kelello, ebile hao amohela. Ba re batho ba nahanang hore ba lokela ho etsa lintho tsohle le Jesu ha ba na kelello (Bala Jn 15:5 hape). Ba re batho bao ba a hlanya.
  - 1) Leha ho le joalo, ho latela seo re ithutileng sona, ntho e se nang kelello ke ho etsa ho hong ntle le Jesu (Jn 15:5).
  - 2) Ke ntho e utloahalang ho latela Liprov 3:5, 6.
  - 3) Ka ho fetisisa, ke phoso pel'a Molimo ho se latele Liprov 3:5, 6.
- c. Seo re se hlokanang maphelelong a rona re le Bakreste ke "bohlanyanyana boo." Re hloka lithoto tse ngata bakeng sa Krete (bala 1 Bakr4:10).
  - 1) Hopola, Paulosi (ea neng a ipitsa sethoho bakeng sa Krete) ke eena ea neng a sebelisa mantsoe ana; **kamehla, eohe, le le se phetse**, ha a ne a bua ka thapelo.
  - 2) Ha ho Mokreste a nang le Jesu ho feta tekanyo bophelong ba hae!

### Mohlala oa Sengoli:

Jesu ha a ts'oane le lebese. Lingaka li re lebese le matlafatsa haholo ha feela o sa le noe ho feta tekanyo. Ba re ha o sebelisa ntho e molemo ho feta tekanyo, hoo ha ho thuse, ebile ho kotsi. Jesu ha a ts'oane le lebese! O ke ke oa mofumana ho feta tekanyo!

# HO TSEBA MOLIMO: KAROLO II


Notes ☐

## Beha mohlala oa hau

2. Ho lokafatsoa ho ka hlaloso ka litsela tse fapaneng. E ngoe ea litsela tsa ho e hlalosa, e amana le **ho se phetse**, le ho se fetohe kamanong ea rona le Molimo. Ho lokafatsoa/ho halaletsoa, ke ketsahalo ea ho ba le nako e fokolang **thoko** le kopano le Molimo, bakeng sa ho ba le nako e ngata ea kopano le Molimo.

## Ntlha ea Puisano

sebelisa sets'oants'o sena ho hlalosa kamano pakeng tsa ho lokafatsoa le ho se phetse likamanong le Molimo.



“A” = ke boholo ba nako eo motho a e nkang **thoko** le Molimo ka letsatsi

“B” = ke boholo ba nako eo motho a e qetang le Molimo ka letsatsi

Ho geta nako le Molimo ke ho **mohlonepha** (Liprov 3:6). Joalokaha Lawrence a cho, **ke ho ntlafatsa boteng ba Molimo**.

Ketsahalo ea ho lokafatsoa, ke ketsahalo ea ho nka mehato e atamelang boteng ba Molimo re sa phetse. Sets'oants'ong mola, ke ho tloha leqeleng ho ea lehojeng.

# HO TSEBA MOLIMO: KAROLO II

## C. Moputso.

Notes ☐

1. Ts'episo ea moputso oa ho se phetse.
  - a. Ke moputso o fe o ts'episoang ba batlang Molimo ba sa khaotse (bala Liprov 3:5, 6 hape)?
  - b. Bala Baheberu 11:6.
    - 1) Na efela Molimo e le moputsi oa ba 'Matlang?
    - 2) Elelloa kamoo tumelo e leng bohlokoa ka teng.
      - a) Kantle ho tumelo, re ke ke ra khahlisa Molimo hobane, kantle ho eona, re ke ke ra khona le ho atamela Molimo (hlokomela hore ha o bala Bah 11:6, ke ho tla ha rona ho eena ho etsang hore a khahlisoe).
      - b) Ke tumelo feela (eo hangata e bonahalang e le khahlanong le mehopolo/kelello) e neng e ka khona ho hloa thaba eo Moshe a e hloeleng ho ba le kopano le Molimo.
      - c) Molimo o ile a putsa Moshe hobane Molimo "ke moputsi oa ba 'matlang."
2. Moputso oo ke o fe?
  - a. Lawrence, monk o moholo o ithutileng ho phela botenng ba Molimo o re, "Ha ho bophelo lefats'eng bo monate ho feta bophelo ba ho ba puisanong le Molimo nako eohle."<sup>3</sup>
  - b. Bakeng sa Lawrence, moputso oa ho batla Molimo, e ne e le monyetla le ts'usumetso ea ho batla Molimo hape le hape. Moputso oa ho ba le kamano le Molimo, ke ho ba le kamano e batsi le Molimo.

# HO TSEBA MOLIMO: KAROLO II

Notes ☐

## Mosebetsi oa ka Sehlopheng:

Bala Pes 73:28. “molemo” kapa moputso oa mopesaleme ke o fe?

Bala Deotr 10:9. “lefa” kapa moputso oa Levi ke o fe? Hopola, e ne e le Baprista ba Ba-Levi feela ba neng ba lumeletsoe ho kena ka tabanakeleng (Num 18:1-7).

Bala Luk 18:30. Moputso ke o fe? Bophelo bo sa feleng ke eng (bala Jn 17:3)?

- c. Moputso oa ho batla, ho tseba, kapa ho ba le kamano le Molimo, ke ho batla, ho tseba le ho ba le kamano le Molimo ***hape***. (bala 1 Likro 28:9; Math 7:7; Jak 4:8; Liprov 3:32, 33 le Bar 6:23), (hopola tsela eo bophelo bo sa feleng bo hlalosoang ka teng ho Jn 17:3). Ho tloha ho Gen 15:1, re ka re moputso oa Abrahama o moholo e ne e le “puisano ea bona ea fahleho tse talimaneng” le Molimo.

## Ntlha ea Puisano

Hlalosa kamoo o fumaneng meputso ea ho nka nako le Molimo ka teng.



# HO TSEBA MOLIMO: KAROLO II

## D. Kenano.

Notes ☐

### 1. Maikutlo a Bibe le a “ho tseba.”

- a. Testamenteng ea Khale, lentsoe la Seheberu la ho “ho tseba ka botlalo/ho kenana” ke “Yada.”
  - 1) Ntho e kholo-kholo bophelong ke bophelo bo sa feleng.
  - 2) Bophelo bo sa feleng ke ho tseba Molimo.
- b. Testamenteng e Ncha, lentsoe la Segerike bakeng sa “ho tseba” (ho Jn 17:3) ke “ginosko.”
  - 1) Le bolela “ho tseba” ka baka la lintho tseo o fetileng ho tsona.
  - 2) E boetse e supa botebo ba tsebo le kamano.
- c. Karolo ea kenano kamanong le Molimo, e hlaloso ka ho hlaka Testamenteng ea Khale, ka lentsoe, “yada.”
  - 1) Bala Li-Prov 3:5, 6. **Ho hlompha, kapa ho kenya Morena merero eohle** ke phetolelo ea lentsoe “yada.”
  - 2) Bala Gen 4:1. Re boetse re fumana lentsoe “yada”. Le sebelisitsoe ka mokhoa o bonts’ang botebo bo boholo.
  - 3) Ha re kopanya le ho hokahanya boithuto ba litemana tsena tse peli, re elelloa hore Lentsoe la Molimo le re bonts’a hore kamano ea rona le Molimo e lokela ho ba e tebileng haholo-holo.
  - 4) Hantle-ntle, e hlaloso ka ho ts’oana le kamano e tebileng, e teteaneng e pakeng tsa batho (kenano ka thobalano).
    - a) Re ka re Bibe le re khothaletsa ho ba le “kenano ea semoea” le Molimo.
    - b) Re lokela ho hokahana le Molimo ka kenano e tebileng.

# HO TSEBA MOLIMO: KAROLO II

Notes ☐

- c) re lokela ho ba bang le Eena.
- d) Elelloa lintlha tsa Bibe le tsa kenano tsa “Kreste ka ho rona” le “rona ka ho Kreste.”
- e) Bala Bae 5:31, 32. **Kamano** ea lenyalo ke sets’oants’o sa mofuta oa **kamano** e lokelang ho ba teng pakeng tsa Kreste le Kereke.
- f) Re lokela ho ratana le Jesu. Kamano ea rona le Jesu e lokela ho teba.

## 2. Ho boloka kenano le Molimo.

- a. Ho Ts’en 2:4, kereke ea Efese e ne e tlohetse lerato la eona la pele. Hona ho bonts’a hore, hona le nako eo ba neng ba na le kenano le Molimo ka botebo.
- b. Kamano ea rona le Jesu e hloka mofuthu oa lerato la pele (Pes 77:6).
- c. Mofuthu oona oa lerato o hlahisa kenano (Pes 63:6).
- d. Kenano ena e akofisa ho ima (ho etsoa ha bophelo) (Jer 24:7).
- e. Ho ima hona ho etella tsoalo le bophelo pele (Dan 11:32).
  - 1) Mantsoe a Seheberu a hlalosang liketso tsa batho ba **tsebang Molimo oa bona** ke mantsoe a bophelo.
  - 2) Batho bana ba matla ebile ha ba khathale. Ba na le bokhoni ba ho etsa lintho tse kholo, ba sebete, ebile ba etsa liketso tse hlollang.

# HO TSEBA MOLIMO: KAROLO II

## **Mohlala oa Sengoli:**

Ha re nahaneng ka cheseho le boleng ba mohlankana ea ratang moroetsana.

Mohlanka ea lihlong, a fokolang, a ka phela bophelo ba hae e le leoatla ho fihlela a ratana le moreotsana. Ha moroetsana eo a ka ts'osoa ke mang kapa mang, mohlankana eo a ka hlahisa sebopeho sa tau.

Rea fokola moeeng haeba re se na kamano e tebileng, le kenano e phethahetseng le Jesu. Diabolosi o re nyenyefatsa ho fihlela re rata le Jesu. Hang-hang, rea fetoha re ts'oana le litau.

Notes ☐

## **Beha Mohlala oa hau**

### **E. Lekunutung.**

1. Motsoalle oa hau e moholo ke mang?
  - a. E ngoe ea litsela tsa ho hlalosa taba ea “motsoalle oa sebele”, ke ho nahana ka lekunutu.
    - 1) Motsoalle oa sebele, ke motho ea tsebang makunutu a hau. Motho eo o tseba litaba tsa bophelo ba hau tseo ho seng motho e mong a li tsebang.
    - 2) O tseba haholo ka uena ho feta mang kapa mang, hobane o qeta nako e ngata le uena ho feta mang kapa mang, le ka hoba o ‘molella makunutu.

# HO TSEBA MOLIMO: KAROLO II

Notes ☐

## Ntlha ea Puisano

Sheba litemana tsena o ipapisa le lekunutu:

Math 6:6 (lekunutu thapelong)

Math 6:17, 18 (lekunutu boitimong ba lijo)

Math 6:3, 4 (lekunutu ho faneng)

- b. Molimo o batla ho ba motsoalle oa hau oa sebele! O batla ho etsa kamano ea lekunutung le uena. Hona le leqhama pakeng tsa lona le Molimo, le matlafalang ha le arolelana makunutu le eena (moo e leng uena le eena feela ba tsebang).
2. Tlhoko ea “sebaka se khutsitseng” kapa “sebaka sa lekunutu” kapa “sebaka sa bo-mong.”
  - a. Ke hangata re balang Testamenteng e Ncha hore Jesu o ile a ea “sebakeng se khutsitseng” ho rapela (mohlala, bala Mar 1:35).
  - b. Ho bohlokoa ho ba le nako (hlokomela hore ho Mar 1:35 Jesu o ile a ea ka malungoalungoane) le sebaka sa ho batla Morena bo-mong (kapa lekunutung). Tikoloho ea mofuta oona, e ka haha le ho ntlafatsa kamano e tebileng eo Molimo a batlang ho ba le eona le rona.

## Ntlha ea Puisano

Bolela linako le liketsahalo tseo Molimo a kileng a itlhahisa ho uena, ha o ne o kopane le eena “sebakeng se khutsitseng.”

### F. Bohlokoa.

1. Ntho eo Jesu a e batlang ho uena ho feta tsohle ke e fe? Kutlo? ‘Nete? Tumelo? Mesebetsi e metle?
  - a. Che! Hona le ntho e ngoe e bohlokoa ho feta tsena kaofela. Ho feta kutlo? E, hobane kutlo e its’etleha ka ho hong. E its’etlehile ka matla a kamano ea lona le Molimo.

# HO TSEBA MOLIMO: KAROLO II

- b. Haholo ho feta lintho tsohle, Molimo o hloka nako ea hau. O batla ho qeta nako le uena. O batla lerato la hau (Math 22:37).
- 1) Lerato le bonts'oa ka kutlo (Jn 14:15).
  - 2) Leha ho le joalo, lerato le holisoa le ho ntlafatsoa ka nako eo o qetang le Molimo.
2. Re hloka sebopeho sa Maria haholoanyana, e be sebopeho sa Maretha se ntse se qepha hanyane!
- a. Bala Luk 10:41, 42.
- 1) Bonolo ba maphelo a rona, bo fumanoa ho tsebeng Molimo.
  - 2) Hobaneng Jesu a neng a re ke **ntho e le ngoe** feela e hlokoang (taba ea ho qeta nako le eena)? Hobane Jesu o ne a utloisisa bonnete ba Jn 15:5 le maikutlo a Bag 2:20.
    - a) Kamano ea rona le Jesu, ke eona e bohlokoahali ka baka la hore, tsohle li thehiloe ho eona.
    - b) Tsohle li thehiloe ho Krete ea ka ho rona, 'me Krete ea ka ho rona, o hokahanyoa le nako eo re e qetang le eena.

Notes ☐

## Mohlala oa Sengoli:

Monna e mong ea neng a sa tsoa nyala, o ne a batla ho khahlisa mosali oa hae haholo. O ile a sebetsa mesebetsi e 'meli hore a tle a rekele mosali oa hae lehae le letle, liaparo tse khahlehang, le eng kapa eng eo a ka e hlokanang. Ha a ka a ba le nako e lekaneng le mosali eo, empa o ne a lumela hore o tla ba le nako e ntle le eena kamoso ha ba se ba na le moruo o motle oa lelapa le chelete e lekaneng. Kamor'a lilemo tse 'maloa, mosali eo o ile a mosiea. Ha ka ba a motlohela ka baka la chelete pele, kapa ka baka la tlhoko tse ling tse ngata. O ile a tsamaea ka baka la monna e mong a neng a qeta nako le eena.

Le rona, re phathahana ka lintho tse ngata tseo re li etsetsang Molimo, hoo re lebalang ho ba le nako le eena. Kotsi ke hore pelo ea Molimo e labalabela ka matla ho qeta nako le rona. takatso ea hae ke ho ba le kamano e tebileng le rona, e sa sisinyeheng.

# HO TSEBA MOLIMO: KAROLO II

Notes ☐

## Beha mohlala oa hau

- b. Molimo ha a na thahasello e kaalo ho rona ka seo re moetsetsang sona, o na le thahasello e kholo bakeng sa seo a re sebelisang ho se etsa. Hore a tle a etse ho hong ka rona, re lokela ho ba le kamano e tebileng le eena.
3. Martin Luther, setsebi se seholo sa thuto-Molimo, monna oa German ea phetseng ngoaheng ea 16, o ne a utloisisa bohlokoa ba kamano le Molimo. Ha a ane a tla etsa lintho tse ngata ka letsatsi, o ne a rapela nako e telele hoseng pele a qala letsatsi. O ne a re, “ke na le lintho tse ngata tseo ke tlang ho li etsa, kahoo, ke lokela ho nka lihora tse tharo thapelong.”<sup>4</sup>
4. Lijo tsa nama ke tlhoko bakeng sa ho matlafala ha ‘mele. Lijo tsa moea le tsona, ke tlhoko e kholo bakeng sa ho phela ha Moea.
  - a. Na u ka pheha le ha o sena boikutlo bo joalo? batho ba bangata ba ka araba ka hore, “Ho sa tsotellehe hore na u ikutloa joang, lijo e ntse e le tlhoko.”
  - b. Na u ka ba le nako le Molimo leha o sa utloe e ka ho a hlokahala?
    - 1) Karabo ea rona e ts’oana le e ka holimo.
    - 2) Sheba mantsoe a Job 23:12.
  - c. Ho Mokreste, ho batla Molimo e lokela ho ba ntho e bonolo joalo ka ho hema. Joalokaha ho hema e le karabelo ea ‘mele ka boteng ba moea, le thapelo e lokela ho ba karabelo ea bophelo ba semoea botenng ba Molimo.

# HO TSEBA MOLIMO: KAROLO II

5. Ho Mar 3:14, Jesu o ile a khetha baapostola ba 12. Hlokomela tatellano eo Jesu a e entseng mabapi le sepheo sa ho ba khetha:

- a. Pele: **ho ba le Eena.**
- b. Ea bobeli: ho ruta.
- c. Ea boraro: Ho leleka mademona.

6. Re ka 'na ra makalla taba ea hore barutuo ba Jesu ha ba so 'motse hore na ba rute joang, kapa na ke mehato e fe e mehlano ea kholo ea kereke. Empa ba kile ba 'motsa ka tsela ea ho rapela!

## Ntlha ea Puisano

Hlalosa bothata boo bareri/baruti ba kopanang le bona ka baka la ho phathahana haholo ka ho etsa mosebetsi oa Molimo ka maikutlo a hore, ho etsa joalo ba na le nako le Molimo. Na hoo ke 'nete bakeng sa hau?  
Na u ikemiselitse ho etsa phetoho?

### G. Boinehelo.

- 1. Kamano e qala ka boinehelo kapa boitelo. Tefo kapa patala e phahame.
  - a. Molimo ha a batle kopanelo/seahlolo feela le rona.
  - b. O batla hore re be ba hae ka botlalo.
- 2. Ketso ea boinehelo e hlakisoa ke ho shoa bo-rona kapa boitelo.
  - a. Boitelo bo amana ka matla le ho tseba Molimo.
  - b. Boela o shebe boithuto ba pejana ba “ho etsisa Molimo.”

Notes ☐

# HO TSEBA MOLIMO: KAROLO II

Notes ☐

3. Ho tseba Jesu ke ho tseba sefapano, ke ho thakhisoa le Krete.

a. Leonard Ravenhill o bua mantsoe ana:

"Motho ea shoeleng bo-eena, ha a na lithahasello, hape ha na ntho eo a e boulelang. Ha a na seo a ka se loanelang. Ha a na seo a se bitsang sa hae, 'me ha a na letho leo a le tsotellang. Ha a na litokelo, kahoo, a ke ke a ba le litla-morao tsa bobbe. O se a shoele, kahoo, haho motho ea ka 'molaeang.'"<sup>5</sup>

b. Kakaretso: motho ea shoeleng bo-eena, ha hlabehe kaha ho se botho boo a ka bosireletsang. U ke ke oa bolaea motho ea seng a shoele.

4. Kamano e supa maemo. Boemo bo nepahetseng ba molumeli kamanong ea hae le Molimo, ke boinehelo kapa boitelo.

## Ntlha ea Puisano

O le moetapele, na u loants'ana le maikutlo ao e kang mosebetsi o u etsetsang Molimo ke oa hau?  
Ke lintho li fe tseo re lokelang ho li etsa bakeng sa ho ntlafatsa chalimo le maikutlo a nepahetseng a hore re ikarabella ho Molimo ka botlalo, rona le mosebetsi oa rona?

## H. Qetello.

1. Motsotso ka mong **o re hulela ho ts'epa Molimo** hobane re hloka Molimo ka metsotso eohle. Kahoo, sepheo sa rona e lokela ho ba ho qeta nako eohle ea rona kamanong le Molimo.
2. Re lokela ho nka lipolelo tsa Hosea 6:3, e le lipolelo tse susumetsang sepheo sa rona: "A re lekeng ho tseba Morena, re ikatlaetseng ho Motseba."



# HO TSEBA MOLIMO: KAROLO II

3. qholotsa moithuti e mong le e mong qetellong ea thuto ena ho etsa lintho tse latelang:
- a. Qala **honajoale** ho rala nako eo o tla e qeta le Molimo ho tloha **hosane**. Otloloha.
- 1) U tla etsang? Neng?
  - 2) Ikhopotse likhato tse ‘ne tsa ho tseba Molimo le boikitlaetso ba ho tseba Molimo.
  - 3) Rapella hore Molimo a u thuse hore o be le boikitlaetso meralong ea hau.
- b. Etsa qeto ea ho se phetse ho ba le kopano le Molimo ho tloha hosane. Kopa Moea o Halalelang ho u hopotsa ka boteng ba Molimo le ho u matlafatsa ho ‘mecha pele lintho tsohle.
- c. Ela-hloko lits’ita bophelong ba hau, tse ka sitisang kamano ea hau le Molimo.
- 1) Lits’ita tsa ‘mele.
  - 2) Lits’ita tsa kelello.
  - 3) Lits’ita tsa maikutlo.
  - 4) Lits’ita tsa semoea.
    - a) Etsa mekhoha ea ho senya le ho bolaea lits’ita tsena.
    - b) Kopa Moea o Halalelang hore a u fe matla a ho etsa sena, le ho u senolela lits’ita tse ling.
- d. Rapella tsoseletso bophelong ba hau.
- 1) Kopa Molimo hore a fehle pelo ea hau malebana le Eena.
  - 2) Mokope ho u fa lenyora le thahasello ea ho batla sefahleho sa hae.
  - 3) Hopola, Molimo ke mohloli oa lintho tsohle tse Molemo. Le thahasello ea ho batla sefahleho sa hae etsoa ho eena. ‘Matle hape le hape!

Notes ☐

# HO TSEBA MOLIMO: KAROLO II

Notes ☐

## Tse qotsitsoeng

<sup>1</sup>Plato, Michael P. Green, ed. Illustrations for Biblical Preaching (Grand Rapids, MI: Baker Book House, 1989) p. 169.

<sup>2</sup>Aristotle, Michael P. Green, ed. Illustrations for Biblical Preaching (Grand Rapids, MI: Baker Book House, 1989) p. 169.

<sup>3</sup>Brother Lawrence, The Practice of the Presence of God (Uhrichsville, Ohio: Barbour and Co., 1993), p. 54.

<sup>4</sup>Martin Luther, Michael P. Green, ed. Illustrations for Biblical Preaching (Grand Rapids, MI: Baker Book House, 1989) p. 277.

<sup>5</sup>Leonard Ravenhill, as quoted at Dick Eastman's "Prayer Seminar," 1986.